




81  
10



M

69.8.B.41







THE LONDON

AND WEST INDIES

TRADING COMPANY


OF THE CITY OF LONDON

AND OF THE WEST INDIES

AND OF THE

WEST INDIES

AND OF THE



AND OF THE WEST INDIES

AND OF THE WEST INDIES

PSORICON.  
VEL DE SCABIE  
LIBRI DVO.

69  
8 B  
41

In quibus præ cæteris de Contagii natura,  
Syderum vi, & Thermis Calderianis  
physicè agitur;

D. Andrea Chiocco Philos. & Medico Excellentiss.  
Veronensi Auctore:

*Ad Marium Biniilaquam Comitem Perillustrem.*



VERONAE, M D X C I I I.  
Ex Typographia Hieronymi Discipuli.

*De licentia Sanctæ Inquisitionis.*





ADMODVM ILLVSTRI  
AC GENEROSO COMITI  
MARIO BIVILAQVAE.



NIHIL fanè, nec ob veritatem  
excellentius, nec ob summam  
celebritatem admirabilius, Co-  
mes Perillustris, ab erudita illa  
antiquitate promulgatum esse  
arbitror, eo præclarissimo veluti sapientissi-  
morum virorum oraculo, *πᾶντα κοινὰ εἶναι*, quo  
amicorum omnia esse communia admonemur.  
Id enim non solum ex aliorum sermo-  
nibus, aut communi hominum fama, sed etiã  
quotidianis experimentis verum esse faciliè  
comperimus, quod superioribus diebus mihi  
vfu venire contpexi, eũ enim Andreas Chioc-  
cus Medicus, & Philosophus præstantissimus,  
pro veteri sua in Patrem meũ, & in me ipsum  
benevolentia, domi suæ logicis Aristotelis  
præceptis animum meum informaret, fortè  
fortuna elucubrationes quasdam mihi perle-  
gendas benignè tradidit, inter quas Poema  
erat de scabie ab amicis tantopere antea expet-  
titum, cuius lectione cum maximopere tum  
ob miram carminum suauitatem, tum ob rei,

quæ tractatur, amœnam varietatem vnâ cum  
Parente meo esse oblectatus, cœpi statim de  
edendo opere cogitare, vt potissimum amicis  
etiã alijs, qui obnixè hoc antea ab auctore  
postulauerant, aliqua ex parte satisfacerem,  
sed multis rationibus hoc meum cõsiliũ ab  
eodem doctissimo viro fuit improbatum; pri  
mũ quòd olim Patauij succisiuis horis, dum  
à grauioribus studijs paulũ vacaret, animum  
que laxaret, Poemate hoc veluti aliud agens  
lufisset; præterea quod tenui stilo, atq; humili  
vena, nullo grandi afflatu, erat conscriptum;  
mihi tamen eius studiosissimo atq; obseruan  
tissimo roganti, atq; adeò obsecranti, non mo  
do assentiri, sed etiã, quod liberalis est ani  
mis, opus tradere; libereq; donare non est  
grauatus; quæ mihi pergrata admodum res  
fuit, cum vno tempore tum illius erga me, &  
Patrem meum amorem; ac beneuolentiam,  
tum maximum amicitia nostræ robur, oculis  
quasi intuerer. Quocirca cũ olim auctor, vt in  
operis exordio satis liquet, nomini tuo amplif  
simo id nuncupare sibi in animũ induxerit,  
volui ipse etiã eius exemplum imitatus hac  
breui epistola idem sub nominis tui auspicijs  
prælo cõmittere, tum vt Parentis mei, atq; meã  
summam erga te obseruantiam, quos semper  
ma-

maximis beneficijs fouisti, omnibus declarare  
 tum etiam vt lummæ auctoritatis viro, & bo-  
 narum artuum Patrono incomparabili qualis  
 tu ipse es, delecto tutissimum Patrocinium  
 edito Poemati compararem, cuius ope ab om-  
 ni inuidorum, & obtrectatorum morsibus  
 factum, tectumq; non solum à Medicis, sed  
 aliis etiam Poëscos studiosis, legi posset. Vale  
 Magnanime Comes, Tibiq; certò persuadeas  
 auctorem ipsum in te amando, atq; plurimū  
 colendo nemini vnquam cedere.

**Cliens deditissimus**

**Io. Federicus Canobius.**

A V C T O R I S  
AD CANDIDVM LECTOREM  
PRÆFATIO.



ILLUD sapienter à Pindaro, ut  
cetera complura, memorię pro-  
ditum est *χρὴ καὶ αὐτ' αἰετὸς ὁρᾷ*  
*μέτρον* cuiusq; nimirum rei men-  
suram, modumue diligenter es-  
se perspicendum. Iurè igitur mihi fortassis  
vitio vertetur, quòd, dum olim Patauij vbi stu-  
diorum causa degebam, Poematium hoc sub-  
seciuis operis conscriberem, nullam mearum  
virium, nullam ingenij, aut rei pertractandę  
mensuram inierim: Sed non me fugit in ma-  
ximis, atq; arduis rebus vel solum ipsum velle  
mediocribus ingeniis laudi datum aliquādo  
esse; Fateor sanè maiori verborum, & senten-  
tiarum splendore, & maiestate quandam He-  
roici Poëmatis propria digeri omnia, & expli-  
cari potuisse (quod à Fracastorio summo Pa-  
trię ornamēto atq; alijs etiam seruatum com-  
perimus) Sed satius mihi visum fuit T. Lucre-  
tii, & Q. Sereni remissiori stylo, qualis rebus  
Physicis, & Medicis describendis videtur satis  
accomodatus *ἡσσέσθαι*, vt aiunt serpere humi-  
tutum, & procellę timidum, quàm quod a tā-  
tulo

4  
tulo ingenio, & multis alijs studiorum occupa-  
tionibus, cum hac paulò hylariora scribeba-  
mus, districto præstari non poterat nō solum  
re ipsa aggredi, sed ne cogitatione quidē ipsa  
nobis polliceri, libenterq; nos versiculo illo a-  
doctis. Pico in libello de Ente, & vno ad Poli-  
tianum pariter vsurpato ab aliorum reprehē-  
sionibus tuebimur: Ornari res ipsa negat, con-  
tēta doceri: Hunc igitur libellū, qualiscūq;  
tandem est, æqui, boniq; consule, Lecto r can-  
dide, quem ferè à nobis antea neglectū, & obli-  
uioni traditum amicorum precibus deuicti,  
In præsentiarum, Deo fauēte, tandem aliquan-  
do diuulgari permissimus, Propediē verò ma-  
iorum vigiliarū, & grauiorū studiorum lucu-  
brationes Dialogos nempè Philosophicos, li-  
bros de alui profluuiio & variarum lectionum  
atq; alia nonnulla ex nostro Penu, quamquā  
nō vsque adeo locuplete deprompta, tibi ami-  
cè, & candidè impartiemur, humanissimi iu-  
ditij tui limam, & ingenuam censuram nulla  
vnquam ex parte detractaturi. Vale.

*Errata potiora, quæ recognito volumine deprehendimus  
sic corrige.*

pagina	2	quattuor, lege	quatuor
	ead.	nutua	mutua
	4	furijt	furijs
	ead.	Tulis	Talis
	6	nonas	nouas
	ead.	definz	defixæ
	7	depasitur	depascitur
	8	citio	citro
	12	cloors	cohors
	13	ligdæ	Ligdæ
	15	concretis	concreris
	20	Abque	Atque
	ead.	Teles	Tales.
	31	daphnis	Daphnis
	33	æto	læto
	ead.	Palliadasq;	Palladiasq;
	34	Sulphureim	Sulphureis
	36	michi	mihi

# PSORICON,

VEL

DE SCABIE.

Liber Primus.

AD MARIVM BIVILAQVAM  
COMITEM PERILLVSTREM.



UAE causa nobis Scabiem peperere molestam,

Quoue modo humanum deformet pustula corpus,

Nec non qua tetram valeant depellere pestem.

Auxilia ingenti Diuum comperta favore,  
Dicite vos geli di clarissima numina Pindi  
Thespiades, vestra res nulla incognita menti est,  
Nos durum genus immensa pressere tenebrae,  
Terrenique hebetant sensus, quo tempore primum  
Deucalion duris reparavit sacula saxis,  
Marmoreumq; suis subsidit vallibus aquor.

Tuq; adeo Ausonia splendor, columenq; cadentis  
Musarum Imperij, audaci Bivilaqua labori

B

Adspi-



# L I B E R

*Adspira, & nostra placidus succurre Camæna;*  
*Sic Aganippæos renouas dum blandus honores,*  
*In patriamq; nouem deducis vertice Musas,*  
*Vranie tibi diuina concentibus usque*  
*Applaudat: Tum Calliope tua dicere facta*  
*Iam paret, & plectro societ noua carmina Eburno;*  
*Nos humiles mutas agitamus Apollinis artes,*  
*Nec gracile in tantum posset se extollere carmen,*  
*In tenui te multa subest cælestis origo*  
*Influxus, validas promunt dum sidera vires,*  
*Et coniuratas demittunt æthere flammæ;*  
*Nec natura minùs, quæ nos regit, alma vigoris*  
*Vindicat, humorumq; simul vis maxima nostrum,*  
*Tanta vi scabsem genitalia semina gignunt.*

*Principiò natura parens animalia cuncta*  
*Aeræ quæ, terræque colunt, camposq; liquentes*  
*Quattuor humorum per corpora sedere certo*  
*Deiunxit, legemque dedit, quæ vitæ animantum*  
*Incolumis longos seruari posset in annos,*  
*Sanguis enim; succusq; niger, bilisq; calefcens,*  
*Et signis pituita suum, si nutua fœdus*  
*Disrumpant, varijs tentantur corpora morbis;*  
*Hinc cruciant febres, absomit languida cancer;*  
*Membra, sacæq; ignis perreptat, & inguinæ sanus*  
*Affligit Bubo: splenisq; per intima scirrhus*  
*Inuadit, tenerumq; feras dat sæpe ruinas*

*Oedema,*



Oedema, & tacito consumit frigore corpus,  
 Singula quid referam? longum foret omnia versu  
 Claudere, quælis humorum mortalibus ægris  
 Adducit, sed si veterum decreta referre  
 Non piget, hinc metuunt, cupiuntq; animalia; mores  
 Natura, atque alios expressit Dædala rerum,  
 Ne solum tristi languerent corpora morbo,  
 Nonne vides rabidos quæ concitet ira Leones,  
 Et passim tardum vestigia figere Asellum,  
 Insidias auibus vafra prætere vulpes;  
 Usque adeo magni refert, quos debita motus  
 Compages ciet humorum, qui corpore toto  
 Excellant, proprijsq; alios moderentur habenis,  
 Adde quod hinc certis cognata alimenta parantur  
 Visceribus, per quæ concoctus diditur humor,  
 Et roris specie pars hunc sibi quæque recondit,  
 Necnon & scabiem, quæ corporis extima semper  
 Asperat, & placidis sensum cruciatibus angit,  
 Haud aliunde putes productam in luminis auras,  
 Quatuor humores mortalia corpora conflant,  
 Atque graves ydem conuectant undique pestes,  
 Nunc mihi mentem adhibe, atq; animi per singula volue,  
 Ne simplex Psora semper genus esse rearis,  
 Nec posse è cunctis humoribus incita nasci  
 Semina, pruritu vexans quæ membra perenni,  
 Altera nam scabies nigranti exorta putatur

Materia magnis Iecoris feruoribus & fla;  
 Quippe Iecur mira gignendi sanguinis arte,  
 Pracellit, bilemque simul, furuumq; liquamen,  
 Et tenues tota dispensat corpore Ichoras,  
 At cum feruenti correptum exastuat igne,  
 Transmissum a Stomacho Chylum, genitumq; cruorem  
 Vrit, & informi defadat membra nigrore,  
 Talis erat furijt quondam commotus Orestes  
 Materno postquam corpersit sanguine palmas,  
 Sic Telamone satius Chypei fraudatus honore  
 Efferus in pecudes stolidas descendiit ira,  
 Tulis & abducta Briseide fortis Achilles  
 Aemonio tristes demulsit carmine curas,  
 Et longa pugnam deuictus distulit ira,  
 His equidem exusto turgébant sanguine venæ,  
 Volubantq; Iecur tumidas sub pectore flammæ,  
 Sed tenuis pariter sanies, atque humida possunt  
 Excrementa artus scabie conspergere turpi,  
 Sape etiam toto corruptum corpore phlegma  
 Sanguinis, aut putris vis multa repellitur extrâ,  
 Vel saniosus Ichor, bilis cui copia in Ela est,  
 Externamq; cutim prurigine rumpit acuta.  
 Fit via vi, turgēt sanies, pruritq; vicissim,  
 Dumpenetrat, cecosque subit sub carne meatus,  
 Tum purulentis expullulat illa phygetlis.

Nam, qui corporibus circumdatur undiq; amictum  
 Non

Non temere, aut nullos vis insita finxit in usus,  
 Nil frustra natura facit; meliorque supernis  
 Cuncta mouens natura locis, & originis auctor:  
 Ergo artus, atque ossa, caro, diuisaque membra  
 Corpore nexa vigent, teneraq; coercita Nassa  
 Nixantur, sic saeva minis contagia ledunt  
 Multimodis semper nostrae occurrantia vitæ;  
 Sed longè melior, ni me sententia fallit,  
 Vtilitas maiore, cutim donauit honore,  
 Nam quacunque imos latitant vitia per artus  
 Excrementa, suo recipit dum prompta recessu  
 Corpore detrudis, sentinamq; haurit olentem,  
 Ni faciat, varij capiant nos undique morbi,  
 Atq; imatura rapiat violentia mortis,  
 Intima pars pellit multo cute fortior ipsa,  
 Sed malè vicinas detrusus polluit humor;  
 Quare tum magnis conatibus anxia membra  
 Insurgunt, validoq; humor propellitur ictu.  
 Hinc motu feruet, tenuemque solutus in auram  
 Exustus vapor, heu molles ferit improbus artus,  
 Inque cutem tandem infirmam decumbit, ibidem  
 Efflorescit ouans, & phymata densa remittit:  
 Non aliter bullis feruentibus excita flammæ  
 Vis exundantes visa est opplere lebetas,  
 Fumidus & laticum gestire syphonibus amnis  
 Nam calor, & motus spumam fabricantur inanem,

Auc

Aut cum vere nonas lustrat Dea Flora choréas  
 Facundo turgent protrusa è palmitè gemma;  
 Cunctæque fragrantè pinguntur prata colore,  
 Nunc ulias etiam Psoræ perquirere causas  
 Ne pigeat, Nam sæpè illam diuturna creant  
 Otia, segnitieque sibi mala pabula captat,  
 Tum contra labor, impuro qui corpore viuunt,  
 Dum ciet humores, & corporis abdita laxat.  
 Spiramenta fero compleuit phymate membra  
 Illotus sudor, defina in corpore sordes  
 Altius, immundusque situs sæpè asperat artus  
 Pruritu ingenti, caritas tum nobilis esca  
 Effrenem inuexit scabiem cum turpis egestas  
 Lautæ negat, tenuique adigit consuescere Mensa,  
 Acrida namque vorant, nitrofaq, fercula, quanc  
 Pauperibus simplex offert, & inempta voluptas,  
 Dulciâ quinetiam papulas genuisse molestas  
 Vidimus abstrusas lecoris pascentia flammæ;  
 Sed mage conspicias autumni tempore siccæ  
 Emanare, gelu sed cum fera Bruma reducit  
 Tunc vdas passim falso consurgere viro,  
 Sic lepram, scabiemq; grauem, qui róre perenni  
 Colligitur liquor atherco priuatus honore  
 Attulit, & Leuce deformia membra notauit.  
 Sæpè etiam certo naturæ visa tenore  
 Semina sponse sua labis contracta recentis

Cum

Cum propensa forent propria vi corpora quadam  
 Cuncta tamen nec sorte pari, nec legibus aquis  
 Tentanturq; malis, & noxia multa recipient,  
 Ut naturarum inter se distare videntur  
 Armonia, sic morborum discrimina plures  
 Corripiunt, alij subito seruire coortam  
 Accepere febrem, ast alijs saepe infides acer  
 Dente dolor, vel crus tumida turgescere mole,  
 Cernitur, atque alijs ignis sacer occupat artus,  
 Serpit ouans, miserosque simul depasitur agros,  
 Antè oculos etiam nostros, quis concidit ictus  
 Fulmineis veluti telis; tum desipit, artus  
 Intrenit, extentat nervos, torquetur, & ore  
 Effundit spumas, & languida membra fatigat;  
 Tunc os destituit vox vel glomerata feruntur  
 Semina vi sonitus producta, hinc tantus ubique  
 Turbat agens animam vapor excitus, & redit olim  
 Cum primum domitos licuit penetrare per artus,  
 Nonnullis gelidus coit in precordia sanguis  
 Tum marent, vanoq; animum terrore remordent,  
 Diuerse morbis soboles; Regionibus iisdem,  
 Ne cunctas morbi species Acheronte profundo  
 Transmissas, hominumq; putes percellere vitas.

Nunc quæ contagi ratio, cur semina labis  
 Multa minuta iaci summa de corpore saepe  
 Dicantur, similiq; alios maculare figura,

Expe-

Expediam paucis: Fures modo disspice cunctas  
 Alius, & summo de corpore fusa vagari  
 Corpora, parua tibi summa ratione fatendum est,  
 Quae secum inuisi referant primordia morbi,  
 Nam si multa vides textura praedua de nsa,  
 Promere multiugas species, calidosq; vapores,  
 Robora ceu fumum exhalant, tadaq; iugales,  
 Thuraq; odorata complent caligine templum,  
 Mollia cur pariter profundere membra negabis  
 Hac eadem, prima fuerint cum fronte locata,  
 An quod sint infra visum? nec tempore in vltimo  
 Conspicis effluxas vltro, citioq; per auras  
 Defferri species? at tristem spirat odorem  
 Abrotanus grauis, & panacis medicina salubris,  
 Lumina praeterea conscissa proxima capae  
 Percellunt, lachrymasq; cient; Tum tangit amator  
 Ora celer, si forte vides absinthia coram  
 Misceri diluta prius, vel frustra cichori,  
 Nullius ista oculis sunt obuia: Tu tamen ipso  
 Conuictus sensu corpuscula parua fateris  
 Emitteri, & facili penetrare per omnia cursu,  
 Ergo contage informis, quia pustula serpit,  
 Siue toro somnos aliquis venetur eodem  
 Linica, seu nimio contrectet sordida tactu,  
 Ne mirere, latet per summos viscidus artus  
 Humor, is exiguo tepescit forte calore  
 Euolat,



Euolat, & socium viroso semine corpus  
 Inficit, aut longo affricu se denique promit,  
 Vel quauis alia ratione in corpora se se  
 Insinuat: Tum quidquid in ipso sanguine lentum  
 Haret, & incocum est, aut sicca vligine fertur  
 Per venas celeri (dictu mirabile) adhasu  
 Corripit, & multis se foribus usque propagat;  
 Quippe ea contagis ratio est, si viribus æquis  
 Semina præcellant, si pabula debita subsint.  
 Si tempus quoque conspiret, laxique meatus,  
 Sic scabra inuadit luges ophthalmia molles.  
 Interdum & diæ defædat frontis honorem;  
 Vidi ego præclarum iuue nem, qui corpore toto  
 Languebat scabie ingenti correptus amica  
 Muncre qua ueluti egregio donarat amantem,  
 Sape etenim lustris longum fouere prophanis  
 Scorta luem, miseramq; ipsa infecere iuventam,  
 Hac eadem alterius simul est prænuntia labis  
 Quam Celta Hesperias bello sparsere per oras:  
 Hanc meus æterno Frastorius carmine quondam  
 Ad Caphios cecinit lucos, cui Phæbus Apollo  
 Immensum fama tribuit volitare per Orbem,  
 Mantua nec proprio tantum se extollit alumno  
 Amplius, aut Sulmo nitidis uberrimus undis  
 Nunc mihi qua cali vitio demissa fatigat  
 Incantans scabies (si fas) euoluite Musa,

Vos arcana Deum nonistis fœdera, vobis  
 Est aperire datum, seriemque recludere Fati,  
 Quæcunque ætherio viuunt sub tegmine cœli  
 Aerias ducunt auras, quibus insita flamma  
 Vis recreatur, & exusta fuligine cassa  
 Vitalem melius defert per membra tenorem,  
 Quare opera pretium est spirare, & in aere semper  
 Degere. Quippè ortus rerum circumfluus aer  
 Principium, nunc infestus, nunc visus amicus,  
 Contemplator enim cœlestia tela, Deorum  
 Fulgura, qua nullo sonitu, nullo impete mentes  
 Horrifono quatunt trepidas mortalibus agris,  
 Sape quidem dira facies, coitusq; maligni  
 Astrorum occultis defluxibus aera complent,  
 Morbida vis sensim per inania lata vagatur,  
 Mortiferamq; homini cladem, pecudumq; catervis  
 Inuehit, assuevis dum mista exugitur auris  
 Omnia, quæ graditur, conturbat, pabula viro  
 Inficit horrendo, nec frugibus abstinet ipsis,  
 Hinc rapidas pestes funestas vidimus vrbes  
 Reddere, cum primum aerio mala semina tractu  
 Per sedere, quibus vitiatu spiritus in cor  
 Confluxit, tum præcipiti vitalia quassu  
 Claustra labant miseris nullis retinenda medellis;  
 Hinc elephas, febresq; graues, sudorq; Britannus  
 Corpora corripuit, atque agmina magna malorum.



Tempora quinetiam proprias seruantia formas  
 Dispersos morbos, eadem mutata vicissim,  
 Vulgares pariunt, cum par consenserit aetas,  
 Et regio, & mos natura sociatus amica,  
 Hinc etiam scabies regnis demissa supernis  
 Interdum late multas bacchata per vires  
 Sydera dum certis agitant influxibus auras,  
 Sed non hanc pariter plenis sorbere necesse est  
 Faucibus, externo sed nos mala verberat ictu  
 Sape quidem O' Diuum pietatem cœlitus illam,  
 Ob scelera, & proprijs fraudata altaria donis  
 Immisere Dei, referam quæ prouidus agri  
 Cultor, & Agricolas inter ditissimus omnes  
 Simylus hyberna narrauit nocte liquentes  
 Meduacus quæ voluit aquas, & mania lambit,  
 Ille quidem iam longo usu, atq; atate verendus,  
 Otia dum festis agitat pius vsque diebus  
 Sic placido arridens socios est ore loquutus,  
 Nemo Deum iuuenes insignia numina capiet  
 Temnere, sapè iram longos celare per annos  
 Illa solent, sed tum pœna gravitate coercent  
 Effrantes animos, multoq; ferocius urgent:  
 Daphnis erat quondam nostri spes unica ruris  
 Eximius pecoris custos, studijsq; Minerva  
 Addictus, namq; is magni primordia Mundi  
 Nouerat, & solis cursus, lunaque labores,

Vnde niues, venti, pluuiaq; atq; horrida grando,  
Quæ vis immensi tellurem concitat ictu,  
Quin etiam morum, & vitæ præcepta colenda  
Nosse dedit Pallas: Hinc illi sacra quotannis  
Concelebrans nitidam mactabat vere iuuenecam,  
Tum mellis, niueiq; simul tria pocula lactis,  
Affundens aris meritum libabat honorem,  
Inde chorus iuuenum, & Nymphis comitantibus uliro  
Naiades agrestum diua per compita passim  
Alternis terram pedibus, saluque frequenti  
Pulsabant, tum carminibus caua littora circum  
Obstrepere, & multis oneratam vocibus Echo  
Audisses hilarem sonitus reboare canoros,  
Pallada læta choors celebrabat, rustica Daphnim  
Gens tollebat, ad astra simul præconia laudis  
Mista dabant Diua, & pulchro super omnia Daphni,  
Inuidit Ligde, suberat cui fama vacillans  
Virgineum demessa foret ne corpore florem.  
Finxerat immensos æstus, & spicula amoris  
Fixa nimis, longumque suos conquesta labores  
Terigidum Daphni appellans, quem Caucasus, atque  
Hircanæ infra cto genuissent pectore Tygres,  
Iniecit tandem deuicto candida collo  
Brachia, nec Ligde infelix circa cauebas  
Oscula, quæ mentem fassus mutare priorem es,  
Exemplo Idalijs & voluere cuncta procellis,

Non

Non illi studium natura effecta tueri  
Amplius, aut magna persolvere sacra Minerua.  
Cura fuit. Ligdem tenui resonare camana,  
Omnis tunc ligda referebat pagina nomen,  
Delius Cytherea tuis iam fracta iacebant  
Pectora, iam turpi flagrabat Daphnis amore;  
Indoluit Pallas, acrig; coercita cura  
Non tulit. ulterius proprias contemnieras,  
Hinc accensa petit Saturni limen, Olympi  
Vertice, qua rapidus supra conuoluitur Otis,  
Aduentus aperit causas, & spernere Daphnini  
Iam Diuos solo deuictum ardore Diones;  
Tum Martem acciri socium, & fera numina poscit,  
Si qua per aethrios errent inimica recessus,  
Vt diram Daphni illuminem, scabiemq; rebellem  
Demittant cali vitioso tramite passim.  
Falcifer assentit senior, radijsque coruscans  
Inuisis tumidi iungit sibi lumina Martis,  
Et phahem toruo respectant undiq; vultu,  
Tum labem aerij tractus vexere timendam,  
Siue quod è terra multos, pelagoq; uapores  
Mouerat ignea vis, vel (quod mage credimus) ipso  
Concursu astrorum contagia missa sodali,  
Inuasit miserum scabies, qua saeuion olim  
Nulla fuit, tenerumq; viri tubercula corpus  
Obduxere, graui prurigine percitus, artus

Nequicquam duro scalpebat sedulus ungui,  
 Ulcera quin etiam mollem deformia carnem  
 Pascebant, siccaq; simul, liquidaq; vicissim  
 Manabant sanie: Tum Daphnis tendere palmas  
 Ad cælum supplex, spreta pia vota Mineræ  
 Concipere, & sera Diuos pietate parabat  
 Flectere, sed cuncta incassum tentata nocebant.  
 Symilus hæc: Nunc signa luis te cuncta docebo  
 Pustula si rubrum contraxerit ante colorem,  
 Mollis, & humidior nulla de parte dehiscat,  
 Tum feriat blandè sensum, festinaq; puris  
 Compagem ingeneret niueam; lauemq; liquentis  
 Hæc tibi corrupto scabies sit nata crûore,  
 Quod si pruritus sit sauior, atque colorem  
 Liuidulum papula ostendant, saniemq; per omnem  
 Effundant parte m, & lata radice residant,  
 Squamula q; è scalptu summa de carne resulet,  
 Phlegmatis hac soboles scabies erit improba; sed si  
 Acrîus illa furit, salso prognata liquore est,  
 At feruens bilis sensu magis urget acuto,  
 Phymataq; in summum ducuntur sæpe cacumen,  
 Arida quine tiam manibus tractata videntur,  
 Nec nisi feruentes emittere cortice Ichoras,  
 Pallentiq; simul per totum infecta colore,  
 Sic, quæ purpurei fex sanguinis atra per omnes  
 Differtur venas hebeti nos pun gere sensu

Assolet, & crasso papulas vix pure remittit,  
Caruleoq; situ, & scabra rubigine cretas,  
At si bilis erit torrenti exusta calore,  
Hæc nobis mala tum miseris maiora redibunt;  
Illa quidem nostra grauiora pericula vite  
Inferre, & dulces sœuuit perrumpere somnos:  
Illa etiam est inuisa viris, inuisa puellis,  
Et magis formosam deturpat Psora iuuentam,  
Quæ caput oppletum sanie, calidoq; vapore  
Promit in angustum, & carnem populatur inanem,  
Tum stimulus effata feris iam membra fatigat,  
Luxuriantq; simul coneretur phymata Varris,  
Atque Elephas exinde agros depascitur arius:  
Heu frustra caro per noctem subit aspera pœnas,  
Pustulaque obstrepero rediniua refringitur ungui,  
Acrior a scalptu dolor ingruit; effera blandas  
Excipit illecebras tentigo; Nulla voluptas  
Syncero nostras demulcet Nectare mentes,  
Intercurrit enim labor improbus, & dolor angit  
Pocula lethali contingens sæpe cicuta.  
Aspice Acidalia quos vis agit effera flamma,  
Et cæcis angit stimulus vesana cupido,  
Nam miseri ætatis nitido dum flore fruuntur,  
Osculaq; affigunt oculis, dentesque labellis  
Illidunt, tenerisq; aliquid deradere membris  
Contendunt; præstis Venus est, quæ ludat amantes,

Et

Et vanis animum simulachris pascat otantem;  
 Nam Cerevis facile expletur, laticumq; Cupido  
 (Cum subeant nostri penetralia corporis intro)  
 Non satiatur amor sed pulchra spectra puella  
 Exterius pulsant anidos in verbere sensus,  
 Interea certas servant sub pectore curas.  
 Inque dies gliscit rabies violenta, nec usquam  
 Vlla datur requies, se conscius ipse remordes  
 Sape animus, queriturq; fugax consumier auum,  
 Nec minus Imperio populos franare potentes  
 Dulce putant, Regumque ferunt ad sidera nomen,  
 Hos tamen angusti luctantes finibus Orbis,  
 Ut stabilem tandem accipiat Fortuna tenorem,  
 Et secura simul traducant otia vita,  
 Invidia è summo ceu vertice cuncta reuolvens  
 Deturbat miserisq; replet sine fine querellis,  
 Nonne vides quantis agitentur nostra procellis  
 Tempora? Gallorum Imperium qua vexet Erynnis?  
 Hæresis infandum nostrum: quo peius Auernis  
 Haud vixisse locis, terrasq; inuadere cerno.  
 Hinc populi dira committunt prælia mente,  
 Sanguine tum proprios pergunt maculare penates  
 (Dij latio meliora, tuo sub numine tuti  
 Iuppiter horrendos Lernai gutturis ignes  
 Spernemus, votisq; sacras onerabimus aras)  
 Parte alia ardenti certamine fortis Iberus



Hollandum, Belgasq; premi, fera bella Sabaudus  
 Cogitat, & magno curarum fluctuat aestu,  
 Vsq; adeo humanos vis abdita semper honores,  
 Obierit, & vario proculcat turbine regna,  
 Subdola desinit curas admista voluptas,  
 Sanius inde redit furor, atque arumna grauescit.

Primi Libri finis.

18  
P S O R I C O N

V E L  
D E S C A B I E

Liber Secundus.



RIMA salutaris Chironia munera  
ritu

Excoluit Cos Icarias porrecta per  
vndas

Dives opum, & donis multum cele-

brata Lyai

Quam Rhodos in proprium vicina vocavit honorem,  
Et paribus Clarium radijs lustrare subegit;  
Aetheris hinc mira assiduò; celiq; sequuta  
Temperies nullo ventorum agitata tumultu,  
Hac claros genuisse viros, ceu lumina Mundi  
Creditur, ingenuas qui vitam egere per artes,  
Ut fama Hesperidumq; sinus, populosq; Cyambes,  
Atque ignorati peterent noua littora ponti,  
Sed maiora dedit nostra solatia vita,  
Cum procreare virum potuit, quem pulcher Apollo  
Nectaræos Diuum iussit gustare liquores,  
Tum medica docuisse artis, qua corpora morbis

Vin-



Vindicat, & solido tutatur robore vires,  
 Prima rudimenta, atque animi diuina reperia,  
 Cuius & extincti superum conscendit Olympum,  
 Gloria Pergameis quondam benè confita chartis,  
 Tu pater es nostri splendor; tu Pythia sacro  
 Dùm tripode Phœbi sortes, lauroq; profaris  
 Aurea suppeditas vitæ documenta tuenda,  
 Te sequor Asclepi soboles generosa Nepotum,  
 Inque tuis aueo vestigia ponere plantis,  
 Tu mihi nunc diram illuuiem qua pellere possint  
 Auxilia, & proprium membris reparare nitorem  
 Ostende, & dulcem da tandem attingere metam.

In primis scabies victu tractanda decenti,  
 Qua quoniam salsis humoribus excita, carnes  
 Discindit, cruciatq; artus, contraria prosunt  
 Prasidia, ut gelida respiciens ventus ab Arcto  
 Vere nouo, aut rapidis cum iuncta caloribus æstas  
 Aduenit, arentes & findit Syrius agros,  
 At qua deuexum submittitur aura per austrum,  
 Noxia, nam calido nos aggrauat usque vapor,  
 Ergo nec gelidus contingat spiritus artus,  
 Nec nimium feruens, compingit frigida corpus  
 Tempestas, multo torrentur saepe calore  
 Humores, duplicantq; noua prurigine morbum.

Optima deinde tibi proprios reuocentur in usus  
 Fercula, temperiem qua permutare calentem,

Et iecoris tacitas valeant extinguere flammias;  
 Quocirca vituli placeant tibi pectora, & badi  
 Lactibus, & teneris securus vescere lumbis,  
 Monticolas volucres, atq; agmina crebra volantum  
 Laudarim, tum quia densis laetet avia dumis  
 Purpureis pectus maculis depicta decorum;  
 At tibi crura suum, lumbi atque abdomina semper  
 Vitentur, namq; illa ferunt mala semina labis  
 Incutere, & fædo corpus maculare cruore  
 Hinc Iudæa suæ odys incusat iniquis;  
 Disspliceat tum pinguis Anas, tum durior anser;  
 Abque salax domuum volitans per culmina passer:  
 Non ego prætereâ pisces, quos abdita gignunt  
 Stagna prohem, quos immunda pavere paludespano  
 Quos amnes, pelagiq; agitant sub gurgite fluctus;  
 Sunt tamen insignem quibus inde obsonia fructum  
 Paria ferant, si præsertim loca saxea capient;  
 Aduersumq; fretum per carula lata fruigent,  
 Mollis, & alba cavo paruis obtenditur istis;  
 Teles sunt Pelagi, quas concava litora Fucæ  
 Emittunt, Parcasque creant splendentia fundo  
 Flumina, tum petris deprehensus Scaurus apricis;  
 Nec non qui venas auri Benacide lymphæ  
 Carpit, ut antiqui scelæris monumenta supersint  
 Aequoreum bonitate genus supereminet omne  
 Salsa simul cupido forsam placitura palato

Tu prudens procul amoucas, nec blandus aceti  
 Vfus, & intinctus varijs, & tragemata multa  
 Nec piperis, pyretriq; sapor, tristisq; synapis  
 Alliciant, vel fragranti te cinnama odore,  
 Atque oleosa tuas ignorent fercula mensas  
 Acrida cuncta fuge, & gelidos complectere succos,  
 Hinc lactuca paruum cui permiscetur aceti  
 Inchoet vsq; dapes, eademq; absoluat easdem,  
 Ptisana te chondrusq; iuuent, cicereseq; rubenses  
 Oxigala egelidum, & concreti copia lactis,  
 At simul ex horto victus, nisi forte recuses,  
 Vtilis, atq; olerum scabiem vis multa repressit,  
 Andrachnes ergo, & spinis carpatur acutis  
 Borrage, rignuq; solo lactuca, nec vsquam  
 Serida despicias, & duri prima cichori  
 Germina, vel toto florentem frigore soncum;  
 Sed tu nec vini magno capiaris amore  
 Cacuba deuota, & fului generosa Falerni  
 Pocula, tum qua vicinis dat suauia campis  
 Benacus, nuriuq; sinu flauentia Garde,  
 Lataque Melsineis subigit vindemia labris:  
 Lympha tibi puro deprompta è fonte coquatur  
 Illa sitim sedet, vel mollia prouidus inde  
 Hordea, qua salsos valeant disperdere succos,  
 Sin tibi Bacchigenæ cordi sint munera vitis,  
 Alba cape, & tenuem gustu referentia vappam;

Hic

Hic moneo, dura nunquam te crede Palestra,  
 Harpastum, follemq; caue, nec brachia disco  
 Exerce, aut iaculis rapidum insectabere ceruum,  
 Blanda quies artus recreet, calidumq; cruorem  
 Assiduo humectet per strata cubilia foris,  
 Molliter umbroso tantum spatium recessu,  
 Aut quâ florenti rident iuga proxima vulu,  
 Sed tu ne vitans hominum vestigia solus  
 Discurrere, unanimes semper tibi iunge sodales,  
 Nonne vides apibus quanta est prudentia parvis  
 Non illa fontes, non prata virentia circum  
 Pernolitant sola, aut Regem comitantur euntem;  
 Dulce quidem roseo cum se Palantias ore  
 Promit, & argutas Zephris motantibus auras  
 Threicij crimen queritur Philomela Tyranni  
 Vitalem cæli passim ridentibus aruis  
 Iugiter, & Solis vegetum libare nitorem,  
 Quippè viget magno cælorum corpore viuens  
 Spiritus, atq; anima sublimia semina nostra  
 Insitus hinc calor, & cordis vis abdita sumunt  
 Pabula, & ætherias adsiscunt undiq; vires:  
 Sapè etiam corpus digitis, & lasa fricare  
 Membra, vel arentes scalpitu diffringere Varros  
 Obsuit, heu magno pensantur sænore dulces  
 Illecebræ, placidoq; lues subit aspera morfu,  
 Quinetiam vigilem multa sub nocte manere

Non

Non placeat, sed pradulei te Nectare somnus  
 Largior aspergat, facili nec parce sopori,  
 A scalptu in somnis rabidus sibi temperat unguis,  
 Exustosq; magis recoquit, natura liquores:  
 Nec tibi densatis aliis malefacibus unquam  
 Sistatur, Borea, ut magnū miscente tumultum,  
 Hanc lentū prius exonerēs enemate mando,  
 Iuscula, vel prunis exsorbe cocta tenellis  
 Nempe omni in morbo veniris via clausa nocere  
 Assolet, & prauo cerebrum complere vapore,  
 Nec non quæ vanis animum terroribus ultro  
 Sollicitant, procul effugito, nec tristia mentem  
 Precipiant, visa curas, rabidumq; furorem,  
 Non te Palladiis animum, nisi labe remota,  
 Addixisse velim studijs, sed Barbitos agram  
 Exhilarēs mentem fidibus sociata sonoris,  
 Perlege Mæonidem, & magni Monumenta Maronis,  
 Et Venusina tuas inuitent plectra Camænas,  
 Nec te blanditiis captum Venus improba falsis  
 Distineat, solet illa luis primordia secum  
 Afferre, aut genitam tacito protendere viro,  
 Manē simul tepidis arentia corpora lymphis  
 Dilue, nulla magis scabiem medicina fugauit,  
 Impressasq; aliæ sordes, saniemq; situmq;  
 Deterge, & mundo semper veleris amictu.  
 (Quod sequitur) morbi tibi congrua cura tenenda est,

Cum

Cum primum auratis Taurus reseravit Olympum  
Cornibus, Arcturo primus vel caperit ortus,  
Corpora si solido consistant robore creta,  
Distentasq; gerant per totum sanguine venas,  
Discinde internam, vel quæ iunguntur eodem,  
Communemq; ferunt ramum, cubitumq; pererrant,  
Dextera pars morbi fomenta ferocia servat,  
Ergo tu dextri pertundes vasa lacerti,  
Et nigrum educes ima de sede cruorem,  
Frigeſcet simul epar, et euentata calor  
Semina, tum vitæ melius moderantur habenas,  
Ante tamen duras ventris subducere facies  
Proderit, aut celeri deterſas clyſmatis uſu,  
Aerio aut melle, aut ſylueſtris ſumine palme,  
Forſitan inuenies molles queis tunderè venas  
Non placet, hos nitido conflata cucurbita vitro,  
Scalpelloq; iuuat paſſim diſcindere corpus,  
Sic putrem educunt ſaniem, ſadumq; cruorem  
Cruribus hinc lumbisq; prius, dorſoq; recurſo  
Vaſcula conſigunt Vulcani experta furorem,  
Vndique proſectant, donec pars ipſa tument  
Corpore promineat denſo conſperſa rubore,  
Dein tumidam feriunt carnem, ſed vulnera latis  
Inſigunt ſpaſijs, atq; intima membra laceſſunt,  
Præſertim craſſo ſcateant ſi corpora ſucco,  
Inſarctusq; graui fluxum ſibi ſiſtat amicum,

Vi-



Vitreatum rursus conscissam vascula carnem  
 Mordicè excipiunt faciles sutura liquores,  
 Hinc collum angustum, & stricto mage condita hiatus  
 Arrident, maior tractus vis insidet istis,  
 Antè tamen ducenda tuo de corpore multa  
 Humorum vis, tum vitrum exhaurire cruorem  
 Aggredere, & viridis succum potare cichori.

Nunc operis pretium est medicamina cuncta referre  
 Ordine, quæ scabiem valeant abolere rebellem,  
 Nec sum animi dubius, versu percurrere magnum  
 Quam sit opes medicas, veterumq; inuenta virorum,  
 Quinetiam Musis hac tristior esse videtur  
 Materies dulci charitum spoliata lepore,  
 Quare auersantur retrò, ridentq; poetam,  
 Sed me Phœbeo munitum numine Pindi  
 Raptat amor, nec qui medicas exercuit artes  
 Atque idem Aonios Cythara modulatur honores,  
 Deseret oppressum tanto sub pondere rerum,  
 Certa igitur ratio, qua labem funditus omnem  
 Extingui, & nitido corpus splendescere amictu  
 Cernimus è valido tandem, placidoq; petenda est  
 Unguento, quod passim omnes interlinat artus,  
 Sed non antè datur medicato magmatè corpus  
 Ungere, quam cunctis è partibus abdita ducas  
 Excrementa imas expurgans rite latebras,  
 Atq; atram euacues bilem, flauamq; calentem,

Non aliter, guttur quibus angere dira cynanche  
 Incipit, extentas fauces medicamine multo  
 Ignarum exagitat vulgus, nec prauia primum  
 Purgamenta adhibent, illi vix limine in ipso  
 Mortis anhelanti suspiria voce remittunt,  
 Ergò concretos primum diffundere succos  
 Sit labor, & valido passim tenuare liquore,  
 Decoque Buglossi, & florentis gramina Capni,  
 Et quæ de scabie nomen trahit herba salubre,  
 Nec lupulos sperne, humentem nec Seridis haustum  
 Est icori gratum germen, cui nomina quondam  
 Tradidit, & proprijs distinxit corpora fibris,  
 Hoc simul admisce, & placido mitescat ab igne,  
 Congrua decocto dein misce Serapia, nec tu  
 Dulcia persequere exustum genitura cruorem;  
 Quæ permista simul multis ubi manè diebus  
 Ebiberis, nec cruda tibi iam multa super sunt  
 Coluihea medicare proba, elleboroq; potenti,  
 Et quæ fragrantem complectitur herbula Thymum  
 Nomine se prodit, tum quæ radice probatur  
 Dicta pedum numero, annosaq; coercita quercu,  
 Nec peregrina simul durato cortice pruna  
 Despice, quæ flauum referant, furuumq; colorem;  
 Est & apud dutes Arabas, quos plaga Scenitas  
 Illa vocat mira radix vi pradita, vulgò  
 Aduehiunt magnum pretio testata vigorem

Pra-



Præcipue bilem expurgat, cui cinnama misce,  
Et nardi spicam, vel olentis frustula iunci,  
Tum tenui lactusq; sero, vel iure cichori  
Pramolli, atq; semel medico te proluce potu,  
Ast aloes etiam scabiem expugnare vetustam,  
Dicitur, illa quidem melior, quæ forte coacta.  
Epatis in faciem ruffa nitet undique luce,  
Sed quoniam Iecoris feruore tenacia semper  
Excrementa acrem in venis accendere flammam,  
Et sanum geminare solent per corpora morbum,  
Lactis amor, gelidiq; iuuat te pocula semper  
Plena feri, placidaq; aluum mollire medella,  
At tibi ne liquidum virosa coagula succum  
Secernant, illa ardenti vi prædita mollem  
Naturam exacuunt tenuem populata liquorem,  
Oximeli melius compagem scindere lactis  
Experiere, suo laticem nec fraudat honore:  
Nunc, qui præualido vnguento membra arida tandem  
Contingas, papulasq; omnes abstergere possis  
Expediam; firmata fidem experientia cæpit,  
Quicquid adherentes detergit corpore succos,  
Et crassos refecat, fæctos purgatq; meatus,  
Tum valide saniem exsiccat, solidatq; vicissim  
Vlcera parua, quibus cutis undiq; scissa dehiscit,  
Apta hac, & psora censeo accommoda turpi,  
Hordea laudarim, abrotonum, tristesq; lupinos

Phyllidis & fructus urtica semina, scyllam,  
 Tum nitrum, & nitri florem, calcemque rigentem,  
 Argenti spumam, elleborum, sed cetera sulphur  
 Excellit, certum morbi medicamen acerbis,  
 Tu viuum eligito; interea ne sicca dolorem  
 Ista ferant, Gallina adipem, vel pinguis frusta  
 Anseris admisce, atq; ouorum appone vitellum,  
 Sunt qui butyrum adiungant, oleumq; rosatum,  
 Atque acrem obundant morsum, tacitumq; furorem,  
 His unguenta parant, sed non densantia iungunt  
 Pharmaca, ne molles stipentur fortè meatus,  
 Præterea calido corpus laxare vapore  
 Antè solent, tepidaq; domo, solioq; calenti,  
 Infectasq; linant carnes, atque unguine lustrant,  
 Interdum sol ipse vices subiisse repertus  
 Vulcani, medicas impertit Cynthius artes,  
 Atque idem amissam nouit reuocare salutem  
 Sed ne continuis adhibeto unguenta diebus  
 Aliernis vis maior erit, releuata retundit  
 Sic melius natura lucem, cunctasq; repellit  
 Relliquias sed fide animis, & sedulus instat,  
 Nec si prima parum forsan cessisse videntur  
 Tempora, desistas, progressum fortia morbum  
 Auxilia extirpant, eademq; iterata iuuabunt:  
 Sed ne intentatum quidquam, neue esset inausum  
 Argento quidam contingunt corpora viuo,

Sicq;

Sicq; putant labem euelli radicitus omnem,  
 Hoc Arabes miris decorarunt laudibus, atque  
 Falices morbi euentus memorasse feruntur,  
 Nascitur argenti occultis, aurique sodinis  
 Alpes aerio in cœlum quâ vertice nutant,  
 Concretum stillis, propria vi mobile semper,  
 Frigidius tamen est glacie, nec fortè veneni  
 Expers, si qua fidem vulgo obseruata merentur,  
 Hinc nervos magno constipat frigore, & ipsum  
 Nervorum auctorem, atque animi instrumenta fatigat,  
 Hinc stupidus tremor, & spasmus comitante per omnes  
 Inuadit torpor partes, sensusq; retundit,  
 Quare non ausim tanto maculare veneno  
 Corpora, nec magno vitari exposuisse periclo,  
 Hispana afflictos paulum circumspice labe,  
 Quorum ubi conspersit miseros hydrargyrus artus  
 Heu quantam accersunt cladem, cumulumq; malorum,  
 Mitia non desunt scabiem domitura rebellem,  
 Tu modò solerti percurras omnia mente,  
 Quisquis enim Asclepi dignatus munere sacro  
 Pœonias dispensat opes, nomenq; reportat,  
 Ille citum in morbo auxilium, securaq; cuncta  
 Afferat, & grata languentes mulceat arte,  
 Vel prodesse volunt, vel nil nocuisse medentes,  
 Quocirca opportuna, ubi sunt tempora semper  
 Captanda; illa volant festino concita cursu,

Sit

Sit ratio simul apta comes, rerumq; receptus  
 I<sup>us</sup>us, iuditiij librai pondere certi.

Iam verò, quæ sacra Deum pietate medella  
 Ingenti aduersum scabiem vi polleat, unde  
 Sulfurea, abstergant scatebra papulasq; situmq;  
 Nunc referam placido fluitantes gurgite ithermas,  
 Sed non te longa verborum ambage tenebo,  
 Hoc etenim clarè firmandum testibus ipsis  
 Dijs, & in extrema Daphnim memorare salute  
 Fert animus, namq; ista simul miranda monebat  
 Simylus antiquorum hominum, morumq; peritus,  
 Scilicet horribili maculatum membra phygethlo  
 Incassum longas Daphnim sudisse querellas,  
 Et simul effatum tentasse Macbaonas omnes,  
 Quos Anienorei celebrat gens culta Lycæi,  
 Ad matrem tandem quæstus vertisse ferebat  
 Cultricem nemorum Cydippem, quæ iuga fortè  
 Cattai lustrabat ouans, & sacra quotannis  
 Debita pendebat Cereri, cui grandia cura  
 Horrea multiplici concludere semper arista;  
 Tum querula affatum festinam voce parentem.

Mater Cydippe, mater, quæ collibus istis  
 Prima tenes, quid me infausto genuisse inuabit  
 Omine? iam Daphnis non est quem fœma canebat  
 Multa prius, nec de mammis lac ipse putarim  
 Iam suxisse uis, quantum mutata misellus.

Mem

Membra fero, quantum informi consumpta Elephanto,  
 Aspice num Daphnis vestigia forte prioris  
 Agnoscas? ni certa tuo comperta fauore  
 Auxilia inuisam depellant corpore pestem,  
 Nil moror, hanc vitæ usuram cum morte relinquo,  
 Vel me precipitem summa de rupe videbis  
 Ferre, vel in rapidas demergier ocyus undas  
 Hac fatius, iacitoq; trahens suspiria corde,  
 Iam rigidam vera matrem pietate mouebat,  
 Quia prius insanos nati damnauit amores:  
 Excipit illa sonos, non sunt temeranda Minerva  
 Sacra, nec obsceno vita benefacta prioris  
 Igne abolenda tibi; magni te numinis ira  
 Exercent, meritasq; tuo das corpore pœnas,  
 Sed quoniam admissi tandem te criminis, atque  
 Pœnitet Idalio nimium indulsisse furori,  
 Vna salus superest puris Tritonida votis  
 Placare, atque sacros Diuæ modularier hymnos.  
 His actis sanam illuuiem extirpare memento,  
 Calderi tibi parta salus, medicata docebit  
 Flumina, queis laceros conspergas prouidus ætus,  
 Cymothoe, sacris quæ præsitet una fluentis,  
 Illa laborantes lymphæ tractare salubri  
 Nouit, & amissum membris reparare nitorem,  
 Iamq; ito, & magnam imprimis venerare Minervam,  
 At daphnis tantis monitis subleuatus, amarus.

Carpebat, tolles Arthesis, Nymphamq; potentem  
 Precipiens humili per compita mente colebat, et iussit  
 Iamq; iter emensus fumanti proximus unda  
 Mopsus adiit pecoris ditem, veteremq; sodalem  
 Enarratq; luis causas, quò tendat, et ipsum totum  
 Supplicibus secum hortatur placare Mineruam  
 Carninibus, castisq; onerare altaria votis;  
 Fortè aderat latis tumulus bene confusus herbis  
 Eoum versus Solem, cui prima ferebat  
 Lumina purpureo incedens Theumantias ore;  
 Et sero occidens lustrabat lumine Titan,  
 Hic diua sublimem aram viridantibus ambo  
 Frondibus instituunt, et sanctum numen adorant;  
 Tum Daphnis supplex ad cælum tendere palmas.  
 Si mihi certa salus undis spondetur ab istis  
 Diua tuo tandem placata reducere Daphni,  
 Iam Paphys lustror flammis, nec nostra Cupido  
 Corda tenet, turpis vestigia nulla furoris  
 Pressa vides, animusq; tibi meus excubat ardens;  
 Dixit, idem Mopsus pro caro poscit amico;  
 At Pallas summo tandem de vertice Olympi  
 Placari, atq; humiles admittere visa querellas,  
 Nam cælum interea niuida suffundere luce  
 Ipsa videbatur, tremuloq; nitescere risu,  
 Noctua quinesiam Diua dilecta potenti  
 Cecropias oblita domos prope culmina Mopsi

Subs-



Subsidit æto augurium acceptabile Daphni,  
 Iamquæ via comitem Mopsus se iunxerat ultro,  
 Palliadasq; ibant memorantes carmine laudes,  
 Non præculat scatebra se se ostendere salubres,  
 Felices terræ scatebra, fumantiaq; antra,  
 Auiæ tum forte extremo carpebat in agro  
 Cymothoe medicas, agris, quas promeret herbas,  
 Ut vidit papulis fadatum membra malignis  
 Pastorem, se prima viris venientibus ultro  
 Obtulit. An sacro, dixit de flumine forsan  
 Percepturus opem, nostra hæc ad prædia Daphni  
 Venisti? Iam Cydippe mihi singula solers  
 Percurrit, iam parta tibi medicina sub istis  
 Collibus, aude animis, te mihi trade piandum,  
 Ipsa tibi informes depellam corpore varros,  
 Ambrosiumq; ruti referam secunda decorem,  
 Antè tamen sacra qua sint primordia lymphæ,  
 Quas vires hominum dederit sator, atque Deorum  
 Accipe: non nulli iactura hæc temporis, indè  
 Nos subito quod res suadet, quodue instat agemus;  
 Has Thermas, atq; hæc Iunonis feruida æthena  
 Mirati veteres varias exquirere causas  
 Capere, & vario torquori turbine rerum:  
 At nobis, quorum melior sententia menti  
 Venerat, arcani patefacta est fontis origo,  
 Nam me fluminibus magnus præfecit Apollo,



Et miras docuit causas, seriemq; remotam.  
 Ipse quidem semper supera de parte fluentem  
 Contréclat, rapidus totum dum circuit orbem.  
 Quippe ubi sulphurei radijs penetrauerit antrum  
 Ferrea cui maior protenditur aequore uena  
 Percoquit humorem, diuinaq; semina miscet.  
 Nec calor ille ignis, vel sulphuris ardor habendus,  
 Cui simul exusti permista est copia nitri  
 Cælitus è Phœbi radijs primordia tanta  
 Missa putes; valido iactatur flumen ab æstu  
 Cælestesq; simul nanciscitur undiq; flammæ  
 Sed mage roriferis terras ubi cinxerit umbris  
 Humida nox subitus frigeſcit terra, coitque  
 Tum compressa uelut manibus, uaga semina circum  
 Exprimit in latices, & falsas congerit undas  
 Sic visum superis, ne deplorata manerent  
 Corpora, ne lachesis vestro saturata cruore  
 Ante diem tristes adigat vos Diis ad umbras;  
 Hinc Verona Deum latatur munere sancto  
 Quæ focias inter nitidum caput extulit urbes,  
 Non etenim tantum inferna tellure putandum est  
 Enasci, & sacro colari sulphure lymphas,  
 Aut solidi tantum vires redolere metalli  
 Maior origo subest cælestibus indita flammis  
 Credo equidem densa circum caligine multos  
 Obduci, & falsa prorsus ratione moueri,

Terrenis qui cuncta putant, quæ cernis ubique,  
 Principijs, & nativo procreata calore,  
 Dicite quid inuit sublimes fingere vultus,  
 Ne prono (pecudum ritu) spectaret hiatu  
 Tellurem sanctum hoc animal, si nulla supernæ  
 Semina naturæ, nulla ætheris esse fatetur?  
 An tantum credit cœli, astrorumq; creatum  
 Ut solum immensam valeant compingere molem?  
 Et terram exiguam, quæ magno confita in orbe est,  
 Pabula suppeditare, & vita exordia cunctis,  
 At non prisca virum soboles, Saturnia regna,  
 Nec, quam doctiloquo genuerunt pectore Athena  
 Tantum est ausa nephas, veterum nec more Gigantum  
 Naturam enixa est sustollere funditus omnem,  
 Multa sed in superos retulere frequentius orbes,  
 Atq; solum ætherijs iunctum dixere caminis,  
 Flumina multiplices morbos, variamq; cohortem  
 Perdomitant lepræ, & varros populantur inertes  
 Quin calidos etiam consumunt hausta catarrhos,  
 Et blanda rigidos artus aspergine mulcent,  
 Has circum innumeriq; viri, innumeraq; puellæ  
 Concurrunt, certamq; ineunt per membra medellam:  
 Hactenus obscura viguerunt balnea fama  
 Sirmio quæ medijs Benaci extenditur undis,  
 Fortunata nimis, quæ magnum habuere Catullum,  
 Consortem vè soli, & Dinos in vota secundos,

Feruida vis ollis, gelidos ut tollere morbos,  
 Et vegetum valeant membris reparare colorem;  
 Nec non Euganeis ubi fertilis ubere campus  
 Excolitur, sacras Aponi conspeximus undas  
 Vestras Daphni undas, Patavaeq; insignia gentis  
 Commoda flammigeris Clarij lustrata quadrigis;  
 Balnea quid Lastra memorem, Montisq; salubris  
 Aegrorum, Mutinaeq; simul, laudataq; Luca,  
 Ceteraq; immensum fama vulgata per orbem?  
 Hac tibi fas Daphni, eximias vox ferrea laudes  
 Vix memoret, nec cuncta mihi fas pandere Daphni,  
 Sed iam deuexo festinat Vesper Olympo,  
 Et distenta domum referunt minus, ubera vacca,  
 Ipsa tuos artus cum sol michi crastinus orium  
 Proiulerit, dulci primum de fonte lauabo  
 (Sic renouata tuo mollescent corpore membra)  
 Indè salutes horrentia phymata lymphæ  
 Contingent, fluuiq; tuos mersabimur artus,  
 Ipse sitim pariter gelido solaberis haustu  
 Thermarum, et cacos mulcebis prouidus ignes  
 Sanguinis, egregiaq; simul releuaberis arse,  
 Quod si forte tuo perdurent corpore turpes  
 Reliquiae, ad vinumq; refederit alijs æstrum  
 Pruritus: Nec non suetos bacchatur in artus,  
 Aridaq; inuisos ostendit pustula sulcos,  
 Sulphureis Aponi corpus perfundere lymphis

Pro-


Proderit, & fixos altè detergere Varros;  
 Hæc præsens Medicina mali; nam tollere sulphur,  
 Tum Nitrosa valent squallentes undiq; crustas  
 Hæc effata viros duxit sub tecta vagantes,  
 Hospitioq; alacres Dinorum excepit amicos,  
 Nec prius absistit, quàm fixæ semina labis  
 Eluat, & insidum Daphni decus addat ouanti.

Finis Secundi Libri.











**Cav. G. DI GIACOMO**

Restauro del Libro Antico e Legatoria  
Via Cereviggio 26-1 - Tel. 21.244

**PESCARA**

